



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «19» aprel

02-94-son

Талабага ҳайфсан интизомий жазо чораси қўллаш тўғрисида

Бугунги кунда университетда юксак талаблар ва замонавий халқаро стандартларга жавоб берадиган юқори малакали юридик кадрларни тайёрлаш мақсадида талабаларни маънавий-ахлоқий тарбиялаш, ҳуқуқий маданияти ва онгини ошириш бўйича самарали тизимни яратиш, уларда юксак маънавий-ахлоқий фазилатларни шакллантириш ҳамда ривожлантириш мақсадида бир қатор комплекс чора-тадбирлар амалга оширилмоқда.

Шунга қарамасдан, айрим талабалар томонидан ўқув интизоми ва ички тартиб қоидаларини бузиш, хусусан узрли сабабларсиз дарс машғулотларини қолдириш ҳолатлари кузатилмоқда.

Жумладан, Жиноий одил судлов факультети талабаси Махмудов Абдулло Рахматуллаевич бир неча маротаба огоҳлантирилишига қарамасдан сабабсиз 36 соатдан ортиқ дарс машғулотларини қолдирган.

Юқоридагиларни инобатга олган ҳолда Олий таълим тўғрисидаги низомнинг (рўйхат рақами 1222, 2003 йил 22 февраль) 51-банди, университет ректорининг 2021 йил 1 мартдаги 08-44-сон буйруғи билан тасдиқланган Тошкент давлат юридик университети Ички тартиб қоидалари (ички меҳнат тартиби қоидалари) 83-бандига асосан ҳамда Жиноий одил судлов факультети декани Д.Камалованинг тақдимномасига мувофиқ,

БУЮРАМАН:

1. 2020/2021 ўқув йили баҳорги семестрининг ўтган даври давомида узрли сабабларсиз 36 соатдан ортиқ дарс қолдирганлиги учун Жиноий одил судлов факультети 3-курс “А” поток 3-гуруҳ талабаси Махмудов Абдулло Рахматуллаевичга ҳайфсан интизомий жазо чораси қўлланилсин.

2. Жиноий одил судлов факультети декани Д.Камалова:

мазкур талабани сабабсиз 74 соатдан ортиқ дарс машғулоти қолдирилган тақдирда университет талабалар сафидан четлаштирилиши тўғрисида огоҳлантирсин;

ушбу буйруқ билан Жиноий одил судлов факультети талабаларини таништирсин;

мазкур талабанинг шахсий ҳужжатлар йиғмажилдига буйруқ нусхаси тикилишини таъминласин.

3. Мазкур буйруқ ижросини назорат қилиш проректор И.Рустамбеков зиммасига юклансин.

Ректор



Р.Ҳакимов

Лойиҳа киритди:

Жиноий одил судлов
факультети декани

Д.Камалова

Келишилди:

Ўқув ишлари бўйича проректор

И.Рустамбеков

Ўқув-услубий бошқарма бошлиғи

А.Тошпўлатов

Юридик бюро

катта юрисконсульти

Э.Хосилов